

明末史料五種

二

明
天
之
行
止
未
知

東江遺事卷下

熊廷弼傳

明史

天啓元年八月廷弼因薦監軍副使梁之垣生長海濱習朝鮮事可充命使帝立從之且命如行人奉使故事賜一品服以寵其行之垣乃列上重事權定職掌八事帝亦報可之垣方與所司議兵餉而化貞所遣都司毛文龍已襲取鎮江奏捷舉朝大喜亟命登萊天津發水師二萬應文龍化貞督廣寧兵四萬進據河上合蒙古軍乘機進取而廷弼居中節制命既下經撫各鎮互觀望兵不果進頃之化貞備陳東西情形言敵棄遼陽不

守河東失陷將士日夜望官軍至即執敵將以降而西部虜墩
免炒花咸願助兵敵兵守海州不過二千河上止遼卒三千若
潛師夜襲勢在必克敵南防者聞而北歸我據險以擊其情可
盡也兵部尚書張鵬鳴以為然奏言時不可失御史徐卿伯復
趣之請令廷弼進駐廣寧薊遼總督王象乾移鎮山海會化貞
復馳奏敵因官軍收復鎮江遂驅掠四衛屯民屯民據鐵山死
守傷敵三四千人敵圍之益急急宜赴救於是兵部愈促進師
化貞即以是月渡河廷弼不得已出關次右屯而馳奏海州取
易守難不宜輕舉化貞卒無功而還化貞為人駸而愼素不習

兵輕視大敵好謗語文武將吏進諫志不入與廷弼尤抵牾妄
意降敵有李永芳為內應信西部言謂虜墩兔助兵四十萬遂
欲以不戰取全勝一切士馬甲仗糧糧營壘俱置不問務為大
言因中朝尚書鶴鳴深信之所請無不允以故廷弼不得行其
志廣寧有兵十四萬而廷弼關上無一卒徒擁經略虛號而已
延綏入衛兵不堪用廷弼請罪其帥杜文煥鶴鳴議寬之廷弼
請用卜年鶴鳴上駁議廷弼奏遣之垣鶴鳴故稽其餉兩人遂
相怨事事齟齬而廷弼亦褊淺剛愎有觸必發盛氣相加朝士
多厭惡之毛文龍鎮江之捷化貞自謂發蹤奇功廷弼言三方

兵力未集文龍發之太早致敵恨遼人屠戮四衛軍民殆盡灰
東山之心寒朝鮮之膽奪河西之氣亂三方並進之謀誤屬國
聯絡之算目為奇功乃奇禍耳貽書京師力詆化貞朝士方以
鎮江為奇捷聞其言亦多不服

袁崇煥傳

明史

崇正二年閏四月叙春秋兩防功加太子太保賜蟒衣銀幣廕錦衣十戶崇煥始受事即欲誅文龍文龍者仁和人以都司援朝鮮逗遛遼東遼東失自海道逃回來虛襲殺

大清鎮江守將報巡撫王化貞而不及經略熊廷弼兩人驟始開用事者方王化貞遂授文龍總兵累加至左都督挂將軍印賜尚方劍設軍鎮皮島如內地皮島亦謂之東江在登萊大海中綿亘八十里不生草木遶南岸近北岸北岸海面八十里即抵

大清界其東北海則朝鮮也島上兵本河東民自天啓元年河東失民多逃島中文龍龍絡其民為兵分布哨船聯接登州以為犄角計中朝是之島事由此起四年五月文龍遣將沿島緣江越長白山侵

大清國東偏被守將擊敗衆盡殲八月遣兵從義州城西渡江入島中屯田

大清守將覺潛師襲擊斬五百餘級島中糧悉被焚五年六月遣兵襲耀州之官屯寨敗歸六年五月遣兵襲鞍山驛喪其卒十餘越數日又遣兵襲撤爾河攻城南為

大清守將所刻七年正月

大清兵征朝鮮并規劃文龍三月

大清兵克義州分兵夜濤文龍於鐵山文龍敗遁歸島中時

大清急文龍躡後故致討朝鮮以其助文龍為兵端顧文龍所

居東江形勢雖足牽制其人本無大略往輒敗衄而歲糜餉無

算且惟務廣拓商賈販易禁物名濟朝鮮實開出塞無事則驚

參販布為業有事亦軍得其用工料給事中潘士聞劾文龍糜

餉殺降尚寶卿董茂忠請撤文龍治兵關寧兵部議不可而崇

煥心弗善也嘗疏請遣部臣理餉又惡文臣監制抗疏駁之崇

煥不悅及文龍來謁接以賓禮文龍又不讓崇煥謀益決至是
遂以開兵為名泛海抵雙島文龍來會崇煥與相燕飲每至夜
分文龍不覺也崇煥議更營制設監司文龍怫然崇煥以歸鄉
動之文龍曰向有此意但惟我知東事東事畢朝鮮衰弱可襲
而有也崇煥益不悅以六月五日邀文龍觀將士射先設帷山
上令叅將謝尚政等伏甲士帷外文龍至具部卒不得入崇煥
曰予詰朝行公當海外重寄受予一拜又拜畢登山崇煥問從
官姓名多毛姓文龍曰此皆子孫崇煥笑因曰尔等積勞海外
月未止一斛言之痛心亦受予一拜為國家盡力死皆頌首謝

崇煥因詰文龍違令數事文龍抗辨崇煥厲色叱之命去冠帶
繫縛文龍猷倔強崇煥曰尔有十二新罪知之乎祖制大將任
外必命文臣監尔專制一方軍馬錢穀不受核一當斬人臣之
罪莫大於君尔奏報盡欺罔殺降人難民冒功二當斬人臣無
將將則必誅尔素有牧馬登州取南京如反掌語大逆不道三
當斬每歲餉銀數十萬不以給兵月止散米三斗有半侵盜軍
糧四當斬擅開馬市於皮島私通外蕃五當斬部將數千人恣
冒已姓副將以下濫給札付千走卒輿夫盡金緋六當斬自寧
遠還剽掠商船自為盜賊七當斬強取民間子女不知紀極部

下效尤人不妄室八當斬驅難民遠竊人參不從則餓死島上
白骨如芥九當斬輦金京師拜魏忠賢為父給冕旒像於島中
十當斬鐵山之敗喪軍無算掩敗為功十一當斬開鎮八年不
能復寸土觀望養敵十二當斬數舉文龍喪魂魄不能言但叩
頭乞免崇煥召諭其部將曰文龍罪狀當否皆惶怖唯唯中有
稱文龍數年勞苦者崇煥叱之曰文龍一布衣尔官極品滿門
封蔭足謂勞何悖逆如是乃頓首請旨曰臣今誅文龍以肅軍
諸將中有若文龍者悉誅之臣不能成功皇上亦以誅文龍者
誅臣遂取尚方劍斬之帳前乃出其將士曰誅止文龍餘無罪

當是時文龍麾下健校悍卒數萬憚崇煥威無一敢動者於是
命棺斂文龍明日具牲醴拜奠曰昨斬爾朝廷大法今祭尔僚
友私情為下淚乃分其卒二萬八十為四協以文龍子承祚副
將陳繼威參將徐敷奏游擊劉興作主之收文龍勅印尚方劍
令繼威代掌搃軍士檄撫諸島盡除文龍虐政邊鎮以其狀上
聞未言文龍大將臣非得擅誅謹序黨情罪時崇禎二年五月
也帝驟聞意殊駭念既死且方倚崇煥乃優旨褒答俄傳諭暴
文龍罪以安崇煥心其爪牙伏京師者令所司捕崇煥上言文
龍一匹夫不法至此以海外易為亂也其眾合老稚四萬七十

妄稱十萬且民多兵不能二萬妄設將領於今不宜更置帥即以繼威攝之於計便帝報可崇煥雖誅文龍慮其部下為變增餉銀至十八萬然島升失主帥心漸携益不用可其後致有叛去者崇煥言東江一鎮牽制所必資今定兩協馬軍卜營步軍五歲餉銀四十二萬米十三萬六千帝頗以兵減餉增為疑以崇煥故特如所請崇煥在遼與率教大壽可綱定兵制漸及登來天津及定東江兵制合四鎮兵十五萬三十有奇馬八萬一千有奇歲費度支四百八十餘萬減舊一百二十餘萬帝嘉獎之文龍既死甫踰三月我大清兵數十萬分進入龍井關大

安口崇煥聞即督大壽可綱等入衛以十一月十日抵薊州所
歷撫寧永平遷安豐潤玉田諸城皆留兵守帝聞其至甚喜溫
旨褒勉發帑金犒將士令盡統諸道援軍俄聞率教戰沒遵化
三屯營皆破巡撫王元雅總兵朱國彥自盡

大清兵越薊州而西崇煥懼急引兵入護京師營沙河門外帝
立召見深加慰勞咨以戰守策賜御饌及貂裘崇煥以士馬疲
敝請入休城中不許出與

大軍鏖戰互有殺傷時所入隘口乃薊遼總理劉策所轄而崇
煥甫聞變即千里赴援自謂有功無罪然都人驟遭兵怨謗紛

起謂崇煥縱敵擁兵朝士因前通和議誣其引敵脅和將為城下之盟帝頗聞之不能無感會我

大清設間謂崇煥密有成約令所獲宦官知之陰使去其人弁告於帝帝信之不疑十二月朔再召對遂縛下詔獄大壽在旁戰栗失措出即擁兵叛歸大壽嘗有罪孫承宗欲殺之愛其才密令崇煥救解大壽以故德崇煥懼并誅遂叛帝取崇煥獄中手書往召大壽乃歸命方崇煥在朝嘗與大學士錢龍錫語微及欲殺毛文龍狀及崇煥欲成和議龍錫嘗移書止之龍錫故主定逆案魏忠賢遺黨王永光高捷袁弘勳史塗輩謀興大獄

為逆黨報仇見崇煥下吏遂以擅主和議專殺大帥二事為兩
人罪捷首疏力攻瑋如勲繼之必欲并誅龍錫法司坐崇煥謀
叛龍錫亦論死三年八月遂磔崇煥於市兄弟妻子流三千里
籍其家崇煥無子家亦無餘貲天下冤之崇煥既縛大壽潰而
去武經略滿桂以赴戰急與

大清兵戰竟死去縛崇煥時甫半月初崇煥妾殺文龍至是帝
誤殺崇煥自崇煥死邊事益無人明亡徵決矣